

sime subvitellino-conspurcatis, cuneo brevi, declivi, membrana angustissima, solum ad marginem interiorem cunei distinguenda; antennis pedibusque albidis, illis articulo primo elongato, pronoto aequae longo, setis rigidis crassitiei articuli aequae longis, femoribus posticis chermesino-variegatis, tibiis omnibus innotatis, pallido-spinulosis. Long. ♀ $4\frac{1}{2}$ mm.

Palaestina (Vadi-el-Navaimen ad flumen Jordan d. 14 martii), D. U. Sahlberg.

Ph. salsolae Put. proximus, sed notis superne datis optime distinctus. Caput (feminae brachypterae) basi pronoti circiter $\frac{1}{4}$ angustius, a supero visum pronoto distincte longius, latitudini verticis oculique unici aequae longum, vertice oculo fere duplo latiore; ab antico visum latitudine cum oculis longitudine aequale, a latere visum altitudine saltem $\frac{1}{4}$ brevius, fronte declivi, apice supra basin clypei tumido-convexa, clypeo a fronte impressione profunda discreto, angulo faciali subrecto, loris convexis, gula brevi obliqua. Oculi nigrofuscis, a supero visi orbiculares. Rostrum apicem coxarum posticarum parum superans, apice nigro. Antennae articulo secundo primo paullo magis quam duplo longiore, hoc apice ultimisque dilutissime fuscis, quarto tertio paullulum brevior et primo distincte longiore. Pronotum (feminae brachypterae) late trapeziforme, latitudine basali duplo brevius, apice quam basi circiter $\frac{1}{4}$ angustius. Scutellum basi detectum. Hemielytra (feminae brachypterae) apicem versus sensim leviter dilatata, cuneo scutello fere aequae longo, margine exteriori fortiter rotundato. Femora (♀) postica latitudine maxima fere quadruplo longiora. Tibiae spinulis crassitiei maximae tibiae aequae longis.

4. *Megacoelum pulchricorne* Reut.

Öfv. Finska Vet.-Soc. Förh. XXII, p. 18, 17. Hem.

Gymn. Eur. V, p. 232, 2.

Mas (verisimiliter hujus?) a femina (Reut., Hem. Gymn. Eur. V, p. 232, 2) differt pronoto lateribus limboque basali, scutello, linea tenui media excepta, clavo limbo scutellari et commissura, corio fascia apicali cuneoque angulo interiore